

2000	Wae hubbe der zin in!!	Melodie:	Het Bananenlied
Tekst:	Leon Camp	Opname:	Nee
Muziek:	Nee		

Refrein

En we zinge Hey, we hubbe der zin in,
Echt zin in ein waek vol muziek, In 2000,
Gaon gaon wae swinge, danse en springe. Kom op, we hubbe
der zin in, echt zin in die knotsgekke daag.

Couplet 1

De hieel waek is weer KVV, de kinjer zeen weer braaf.
Eder jaor is det in Ell, echt ontzettendj gaaf.
Kuite, sporte, spellekes, det vinje wae kei sjiek.
Gaon der noe weer tegenaan, wat zeen wae fannetiek.

Couplet 2

't Thema is dit jaor muziek, det beloofjt hieel get.
Al besse neet zoe muziekaal, det druktj neet de pret.
Fluite, blaose, trommele, maak mer veur kabaal.
Al klinktj ut soms ein bietje vals, det is gein sjandaal!

Couplet 3

Dit is echt ein superhit, door oszelf bedachtj.
Maedjes, jonges zinge met, weem haaj det gedachtj.
Ut weurdj ein waek met veul muziek, echt veur ederein!
Dus leiding blieftj neet achter, en zingtj noe dit refrein.

2001 **Waazinige daag!!**
Tekst: **Leon Camp**
Muziek: **Nee**

Melodie: ik heb zo waanzinnig gedroomd
Opname: Nee

Refrein:

Dit zeen de wa-wa-wa-waanzinnige daag,
Ut is weer K V W dus kriebeltj de maag.
De kinjer van Ell, waat ein sjoen stel.
Maake same ein daum van ein waek.
Dit zeen de wa-wa-wa-waanzinnige daag,
Ut is weer K V W dus echt gein geklaag.
De kinjer staon klaor, en draume dit jaor,
Wa-waanzinnig, dus zet um mer op!

Couplet:

Aaf en toe 's nachts, zoe hiel onverwachs,
Draumse waal ins van dees waek.
Doe wils ane gang, ut doortj dich te lang
Doe wils nao ut trapveldje haer.
Noe gaon we beginne, noe is ut zoever
Mer stoppe met draume, vergaet det noe mer.

2002 **'t Is Kunst en Kids** **Melodie:** **It's raining men**
Tekst: **Leon Camp** **Opname:** **Nee**
Muziek: **Nee**

Couplet 1:

Ut waer wurdj weer wermer
Ederein heet vrie
Nao waeke van vakantie
Is de waek noe hiel kortbie
Ut is tied om weer te starte
Te starte met ut KVV
Want asse creatief wils zeen,
Doot den veural good met, veural good met

Refrein:

"t Is Kunst en Kids, Halleluja
Jao, kunstenaars kom op!
't Is Kunst en Kids, Halleluja
Jao kunstenaars kom op!

Couplet 2:

Ein waek vol met kunste,
Doe mos noe ane slaag.
Want kunste Kinse maake,
Al duise det neet edere daag.
Jao met sjildere of kleije,
Of kieke nao ein prachtig beeldj.
De leiding zurgtj waal in dees waek,
Det kunst dich neet vervaale zal, det kunst dich neet vervaeltj!

Refrein: 3xherhale.

2003	KVW geit Toveren	Melodie:	Hocus Pocus
Tekst:	Marjon Gerris/ Leon Camp	Opname:	Nee
Muziek:	Ja (harm)		

Intro:

Hocus Pocus KVW geit toveren (ut kvw geit toveren)
Hocus Pocus KVW geit toveren (ut kvw geit toveren)

Refrein

Hocus Pocus KVW geit toveren
Hocus Pocus KVW geit toveren
Alle kinjer kriege dees waek toverkracht
Det haaje ze echt neet gedacht
Hocus Pocus KVW geit toveren
Hocus Pocus KVW geit toveren
Heksen, feeën, tovenaars en nog veul mier
Ut wurdj echt super deeze kier.

Couplet 1:

Ut is weer zoe ver tis KVW
De 5 sjiekste daag van os vakantie
Alle minse hie van groet tot klein
Kriege die garantie

Hocus Pocus steit dit jaor centraal
Spelle, sporte kampe alles geit
Kuite ongerein det doon we waal
Det is ein magisch feit

Couplet 2:

De leiding die steltj zich verassendj veur
Ze toveren zich dit jaor oet de hood
Hubbe aug noe weer ein good humeur
De waek die wurdj echt good

Harry Potter kumtj aug op bezeug
Kumtj met ziene besem int Ellerlandj
En hae ruptj den eine toverspreuk
Stoetj neet ane kantj.

Tusse stuk:

En as vie donderslaag,
Veule wae kriebels inne maag
Ut waere echt waal toverdaag
Daorum noe gein geklaag.

2004 **Rondj de waereldj!**
Tekst: **Fer Koolen**
Muziek: **Ja**

Melodie: **Dragosta Din Tei**
Opname: **Ja, Harm (MP3)**

Intro:

Kvwie, kvwoe, kwao, kvweehee, Kvwie, kvwoe, kwao, kvweehee (2x)

Refrein:

Rondj de wereldj met 't kw,
met 't kw met 't Eller kw
Veul plezeer noe al 35 kier
't Is ein baeregood idee
Rondj de wereldj met 't kw,
met 't kw met 't Eller kw
Veul plezeer noe al 35 kier
't Is ein baeregood idee

Couplet 1:

Hallo, Peru, Japan en Iran
Smokkeltocht, en barbecue,
Denoeets nog nao Timboektoe

Hallo, hallo tot aan Mexico
Vossejacht, nao de Picknick
Op safarie veur de kik!

Couplet 2:

Op kamp, Disco, houtsberg, bongo
Of nao Australie en den met busse rieje

Hallo, Hallo, van Hollywood, tot in oslo
Vrieheidsbielddj en ballebak
Lekker zwumme, frietje knak.

2006 **'t Weer tied veur ut KVW**
Tekst: **Fer Koolen**
Muziek: **Ja (MP3)**

Melodie: **Hohner**
Opname: **Ja, Harm (MP3)**

Intro:

Met zien alle gezwoore ein jörke geleej,
volgend jaor om dezen tied weer ein KVW.
Alles waat wae kriege kinne numme wae den mèt,
Want met kvw waek zeen wae weer aan zèt.

Couplet 1:

De kèrmis is vertrokke, de kerst en ouch noejaor.
En mèt de vastelaovendj zeen wae ouch allang weer klaor.
De voetbalclub, 't tennisse, fanfaar de sjutterie,
Ouch volleye en lieëre doon wae neet...des effe veurbie.

Refrein:

't is weer tied wie ein jaor geleej, tied veur 't KVW
Wae vlege nao de toekomst en de verleje tied.
En waere door det tiedmesjien 't gevoel veur tied weer kwiet

Couplet 2:

Wae reize nao de oertied en nao de gouwe ieëuw.
En in de steinerbosse zijt zeker geine lieëuw.
In bokrijk gaon wae kieke en ouch op eynderhoof.
Wie groeëtmooder de kinjer aete goof....aanne stoof.

Refr. 2x

De tied dae geit steeds sneller, det geuftj toch eine kick
Geniete wae nog heller, van eder ougenblik
(en det is precies noe!!)

Refr. 2x

('t is weer tied)

2007 **Al die schatten en Schavuiten**
Tekst: **Fer Koolen**
Muziek: **Ja (MP3)**

Melodie: **Al die willen te..**
Opname: **Ja, Harm (MP3)**

Intro:

Al die schatten en schavuiten
Doon weer met aan ut KVV
Struipe op de Ellersjans
Met de pirate, met de pirate
Struipe op de Ellersjans
Met de pirate van 't KVV

2008 **Oppe Camping** **Melodie:** **Olaf Hanning**
Tekst: **Fer Koolen** **Opname:** **Ja, Harm (MP3)**
Muziek: **Ja (MP3)**

Refrein:

't Is weer KVV, wae zitte same oppe camping
Wae slaope en wae aete, in de caravan of tent
Wae gaon lekker zwumme, ravotte en kuite,
Zèt de Barbeque mer klaor
't is weer KVV, al bienao 40 jaor

Couplet 1:

Gaef mich dae hieëring en det zeil ins aan
En zèt den hie de tuinsteul tegenaan
Sjaer dich die lien en pomp det lochtbèd mer op
Die gaasfles duit 't baeter zonger dop
De spulle staon, 't is zoeëwiet
En hievan krieg ich geine spiet
De camping op, 't is fieëst de ganse waek

Refrein

Couplet 2:

Hie op de camping is veur eder get
En asse niks wils doon den duisse det
Wae kinne speule, sporte, speure en mieër
Wae zeen neet meug, wae doon 't nog 'n kieër
De spulle staon, 't is zoeëwiet
En hievan krieg ich geine spiet
De camping op, 't is fieëst de ganse waek

Refrein (3x)

2009 **'t KVW Weurdj 40 Jaor** **Melodie: Fliegerlied**
Tekst: Fer Koolen **Opname: Ja**
Muziek: Ja

Couplet

Ell='n wonjerlandj, kiek ins om dich haer
De kinjer speule boete, want det doon ze gaer
En jaor in en jaor oet, steit de leiding weer klaor
Want 't KVW van Ell, det weurdj 40 jaor

Refrein

En ich zwum, zwum, zwum wie 'nne paoling
En ich sop, sop, sop alle leiding
En ich kuit, kuit, kuit wie 'nne vlegel zoeë blie, wohoho
En ich jaag, jaag, jaag op die vosse
En ich speur, speur, speur, door de bosse
En ich pak, pak, pak dich bie dien handj as ich zing hie met dich,
't KVW weurdj 40 jaor, lalalalala
't KVW weurdj 40 jaor, lalalalala
't KVW weurdj 40 jaor, lalalalala
't KVW weurdj 40 jaor, lalalalala